

店主牙行之人并里隣知而不首官兵故縱不罕者治罪如律有能告捕者及自首者律依給賞免罪庶使鹽徒知

悞地方獲安緣係事例并出榜禁約及奉欽差法司知道事理未敢擅便具題次日奉

聖旨是欽此

禁約越境交帶官私鹽引至二千斤以上充軍及馬

快運糧船經過俱要盤驗例

成化三年十月二十日太子少保兼戶部尚書馬 等

題為阻壞鹽法事該巡按直隸監察御史左鈺奏據陝西

安等府衛客商焦恂等告稱各與貴州遼東甘肅延綏等

處買賣為周急缺軍餉過蒙戶部榜文召中淮浙山東等

鹽運司并各提舉司存積常股引鹽各定斗頭則例其淮

鹽因是行鹽地方廣闊比先年開各場出鹽百十萬引到

於南京太京寧國安慶湖廣江西等處發賣尚且不勾鹽

到儀真架下迄不過三二日遠不過十數日隨即掣賣蓋

因各處運司并巡鹽官司鹽法緊急官司引不敢越界

是以兩淮運流通客人得利冗濶中報納淮鹽者不避險

艱爭先上納洪武永樂年間已有

欽定奪舊例各處運司提舉司各行鹽地方載在采目永為定例今訪得廣東私鹽運至江西南安府直抵九江轉往武昌等處發賣浙東福建私鹽運至分水關至饒州等處江西一十三府人民不食淮鹽者大半矣浙西私鹽過界前來蕪湖等處發賣河東運司私鹽越過南陽府運至襄陽湖廣一布司買食淮鹽者十無二三又有公差回還馬快運糧舡隻動一二百隻交通各處鹽徒合為夥計在於長芦直沽并山東張秋地面廣收私鹽成舡滿載狐假虎委公然裝往南京寧國太平池州發賣所以兩淮行鹽地方十去八九以致客商支鹽到於儀真架下停滯千余方引月久並無水客議價一向阻滯不通等因具呈到院看得所告係干阻壞鹽法重情已將客商連日審勘相同尤恐不約每遇公差往來人員詢問前項地方實有此弊伏都

大明律內一款凡將有引官鹽不拘該行鹽地方發賣轉於別境犯界賣者杖一百知而買食者杖六十其鹽入官欽此欽遵謹

祖宗之成憲万世之定規也近來以一因是各處巡鹽官員并所在軍衛有司巡檢司應捕官旗手兵人等不肯用心嚴如禁約上下因循致使規利之徒肆無忌憚往往乘間越境販賣不惟沮滯鹽法將來有悞邊儲如蒙

准奏乞

勅該部計議定立維新之法行移各處運司并巡鹽官員將前項透漏私鹽之所嚴加禁捕但有彼此越界者不分官私並就便拿問買食并店主牙行之人及經過官司縱放者俱治以罪仍行長芦巡鹽監察御史禁約沿河一帶不許軍民人等私剪販賣凡遇馬快運糧舡隻經過許令巡鹽



御史逐一盤驗若有夾帶就行挈問監沒入官應叅奏者

奏

請定奪等因具本該道通政使司官於

奉天門奏奉

聖旨該部知道欽此欽遵抄出到部查得先該本部議得淮浙

長芦山東運司奸弊多端已經請

勅差監察御史三員往彼專一巡視續因四川雲南廣東福建

運司提竿司私鹽興販者多又經奏

准行移各該按察司坐委堂上官一員專一巡視後該遼

東義州等處衛舍人史銘等奏稱河東運司私鹽盛行要

照准浙運司添設御史三員禁革奸弊本部為照河東運

司鹽課出於天產不勞奠辦不須專差御史今照福建四

川等處運司事例行移山西按察司令副使或僉事一員

往來地方巡視鹽法禁革奸弊催督鹽課照例一年更換

仍將催辦鹽課同問過捉獲越界興販犯人起數姓名具

奏本部每年先將委過官員賤名聞報以憑稽考等因具

題天順四年十一月初三日奉

英宗皇帝聖旨是欽此欽遵外近該巡撫山西右僉都御史李

等題稱河南山東運司私鹽盛行官鹽阻滯山西按察司

雖委河東道僉事帶管緣河東所管府衛軍民數多詞訟

繁浩無暇巡視要行添設御史或僉事一員令其專一在

彼巡視本部為照四川雲南廣東福建運司提竿司俱無

添設官員又經查照天順四年事例移咨都察院轉行山

西按察司欽遵轉委官一員巡視禁約去後今監察御史

左鈺又奏前因叅照所奏係于鹽法重務合無准其所言

移咨都察院轉行准浙長芦山東巡鹽御史并四川福建

聖旨是欽此

雲南山東廣東按察司各僉由出榜於彼處通漏官移盜引去處常川張掛禁約及嚴替各該運司提舉司又應該巡捕官兵設法緝捕但有越境夾帶官私盜者即便擒拿解赴巡鹽御史合該按察司追問如律情輕重食者依律問斷發落情重盜至二十斤以上者不拘軍民舍余就便問發缺軍衛所充軍民止本身軍舍余丁就彼問發缺者發邊衛所原係沿邊衛分者發邊東缺嶺衛分及經過官司縱放者查治以罪若有通同受賄情由各從重論其四隣里老知而不拿者事發一体私剪販賣嚴替地方火甲倘遇馬快報船經過逐一盤驗若有夾帶盜至二十斤以上者一体問發干碍內外官員徑自具奏施行奉

南京法司問擬強盜及拒捕盜徒處決例

成化三年十一月初八日都察院右副都御史林等

題為會問重囚事南京都察院奏該巡捕監察御史戴琬

呈問得犯人張宛招係直隸揚州衛舍丁成化三年四月內與同民李湘等各不合雇到民人張原大船一隻擺列軍器海下販鹽前往安慶等處發賣本年六月內回到槽港劫掠客商財物忽遇巡捕人員各不合殺傷官員事發開呈到院除將張宛監候及行拏未獲犯人次查得南京刑部都察院問擬強盜盜徒照例送南京大理寺審錄回李類奏往運動經半年因犯往往在監病故多未處決且律該斬絞凌遲重刑正欲使人知惧况愚頑罔知法度目不親親心不知惧合無將張宛等及今後南京刑部都察院問擬強盜及拒捕重情盜徒着令南京三法司堂上官